

## Plenchi

### Bèl a bati

**TRINGG TRINGGG bèlèm..... TRINGG TRINGGG bèlèm.....Subi plenchi, nos ta kontentu di ta den bo kompania atrobe. Plenchi ta yen atrobe. Eksamen ku Efo a tuma lugá den e siman tras di lomba. Efo a kaba awor, pero eksamen ta sigui te fin di mei. Pues na skolnan avansá tin e kentura di eksamen e dlanan aki. Pero nos ta spera ku kos lo kana trankil i ku e resultatonan tambe ta satisfaktorio. Mañan ta dia di mama. Un dia ku nos mester demostrá nos kariño i gratitut pa mamanan. No ta un dia komersial pa kompetí ken su regalo ta mas karo of mas bunita. E mihó regalo pa mama ta pa bo mustré ku bo stimé i ta apresiá su amor i dedikashon. Pesei tin e ekspereshon ku tur dia mester ta dia di mama. Pero laga nos tuma e dia aki komo unu mas speshal. Hasi algu ekstra pa mama. Desayuno den kama, kushiná algu di grasia pé. Sali bai keiru ku ne banda bou, òf laman. Pero mas ku tur kos kòrda bisé ku bo stimé. Tin mama sin dolor tambe, no lubidá nan. Un tanta ku ta stimabu i ku tei pa bo tur ora. Un suegra, un coach di deporte, tante di opvang, yufrou di skol. Un sekretaria, un bisiña kariñoso, bo dòkter òf un kolega. Ban parti palabranan di amor i bendishon djadomingu awor. Tur hende muhé ku bo topa, duna nan un sonrisa i bisa nan un dia bendishoná pa bo. No spera warda si nan ta bisabu, bisa abo. Mas bo plama palabranan di bendishon i apresio, mas positivismo lo rondonabu.**

**Mamanan nos tin un tarea bunita i grandote. Nos tambe sa faya hopi biaha den nos responsabilidat. Pero laga nos keda purba ta tur dia mihó mama pa nos yunan. No mama makaku ku ta malkria, pero mama responsabel ku ta siña nos yunan ku amor ta nifiká mas ku brasa sunchi i duna kos material so. Ta mama ta nifiká ku mester eduká i korehí nos yunan i siñanan ta responsabel. Ku nan tin derechi pero tambe obligashon den nan bida. Anto malu ta malu ni maske nan hasie ku un hende ku nan no gusta. Felis dia di mama pa tur esnan ku ta duna amor.**

## Not' é riba bòrchi

Pabien un biaha mas na St. Paulus College, St. Albertus College i St. Joris College ku a bai ku e premionan durante di show di talento (FO) den Siman di Skol Katóliko.





Regina Pacis VSBO i Pierre Lauffer VSBO, Ancilla Domini VSBO i St. Jozef VSBO pabien !

Disfrutá plenamente di e premio ku bosu a gana durante di show di talento (VO) den Siman di Skol Kátoliko.





## **Den agènda**

**14 mei dia di mama**

**Liber nashonal dia 25 mei, dia di asension**

**26 mei ekstra dia liber pa skolnan**

**7 yuli ultimo dia di skol.**

**17 di ougustus prome dia di skol pa hóbennan**

**Mi ta konta**

**CUANDO VEMOS A MAMA  
ENOJADA**



**CONSEJO N° 1... CORRER!**

[memecrunch.com](http://memecrunch.com)

**Un prenci**

**Pabien na Radulphus College ku nan eksitoto HBO tour pa hulanda.  
Alumnonan den pre-eksamen klas a haña tur informashon riba  
posibilitatnan pa estudio.**



Mucha djispou

